



tešanjski BILTEN

Interno informativno glasilo, Godina XVII, septembar 2012. Broj 54



U ovom broju:

Mandat 2008-2012

Usvojen izvještaj o izvršenju budžeta za I polugodište

Zahvalnice povodom 9. septembra

Vodoistražni radovi na izvorištu Jelah

Toplifikacija srednjih škola

Najbolje poslovne ideje mladih

III Etno festival

Bronzane medalje u Tešanj



RESURSNİ EKOLOŠKI CENTAR
Zeničko-dobojski kanton

DODJELJUJE



"CVIJETNI PEHAR"

KLUB LJUBITELJA CVIJEĆA - TEŠANJ

za najaktivnije članstvo, najveći broj prijava
u clo akciji „Izbor najljepšeg balkona i bašte ZDK“
te najuredeniju općinu Zeničko-dobojskog kantona
u 2012 godini.



**tešanjski
BILTEN**



Internoinformativno glasilo Općine Tešanj

Redakcija
Edina Kadušić, Ferid Mustafić, Suad Huskić,
Kanita Gredelj i Bahrudin Nočić.

Glavni i odgovorni urednik
Edina Kadušić

Adresa Redakcije
Općina Tešanj, trg Alije Izetbegovića 11, 74260 Tešanj
Telefoni 032/650-341 i 032/650-022 (lokal 107),
Fax 032/650-220
E-mail press@opcina-tesanj.ba

Tiraž 2.000
Štampa:

ZLATNA PLAKETA

Internacionalna liga humanista je u hotelu Europa, Sarajevo organizovala uručenje priznanja ZLATNA PLAKETA - LIDER LOKALNE ZAJEDNICE DESETLJEĆA.

Priznanje je primio i Načelnik općine Tešanj za postignute rezultate u radu i razvoju lokalne samouprave u skladu sa Evropskom poveljom o lokalnoj samoupravi.

Priznanje je potpisao Stjepan Mesić, Predsjednik lige humanista a uručenje su izvršili Tarik Kupusović, Martin Raguž i Mirko Pejanović.



Niko od nas ne radi zbog priznanja, ipak priznanja su dodatni motiv i dodatna obaveza. Najdraže priznanje načelnicima općina je ono koje stigne od građana, ali priznanje od Internacionalne lige humanista je posebno drago jer ova asocijacija u prvi plan stavlja čovjeka kao ljudsko biće bez obzira na druge razlike.

Ponosan sam na ovo priznanje, i ono ne dolazi samo meni nego cijeloj našoj zajednici, našim građanima, poduzetnicima, NVO, javnim ustanovama i preduzećima kao i administraciji, istakao je Općinski načelnik Fuad Šišić.

BESPLATAN INTERNET

Općina Tešanj je omogućila svim građanima korištenje besplatnog interneta u parku ispred zgrade Općine. Na ovaj način moguće je potpuno besplatno pregledati elektronsku poštu, dnevnu štampu, pristupiti socijalnim mrežama i koristiti razne druge aplikacije.

Dovoljno je na prijenosnom računaru ili mobilnom telefonu pronaći Wi-Fi vezu pod nazivom: OPCINA TESANJFREE.

Vezu je moguće koristiti od 0 - 24 sata.

USVOJEN IZVJEŠTAJ O IZVRŠENJU BUDŽETA ZA I POLUGODIŠTE 2012. GODINE

* Na 42. sjednici Općinskog vijeća Tešanj održanoj 31.08.2012. godine usvojen je Izvještaj o izvršenju Budžeta Općine Tešanj za I polugodište 2012. godine.

* Budžet u izvještajnom periodu je ostvaren na približno planiranom polugodišnjem nivou prema dinamici koja je karakteristična za budžete proteklih godina.


* U prosjeku prihodi i primici budžeta prvog polugodišta se ostvaruju na nivou od 46,65%, dok je to ostvarenje u tekućoj godini iznosilo 46,84% od ukupno planiranog godišnjeg nivoa Budžeta.

Može se istaći da planiranje prihoda od PDV-a na nivou prethodne godine, bez povećanja koje je planirano u najvećem broju budžeta drugih nivoa vlasti, predstavlja osnovu stabilnosti općinskog Budžeta u tekućoj godini. Radi se o tome da je prihod od PDV-a najvažniji pojedinačni prihod koji čini i do 40% općinskog Budžeta, tako da od njega u najvećoj mjeri zavisi cjelokupan budžet. Generalno, PDV na nivou Federacije BiH prolazi razdoblje stagnacije nastalo, kako zbog izmjena koeficijentata raspodjele između entiteta, tako i zbog velikih oscilacija u naplati mjesecima.

* Struktura prihoda i primitaka u izvještajnom periodu je iskazana u sljedećem tabelarnom i grafičkom pregledu.

Vrsta prihoda - primitka	Plan za 2012. godinu		Izvršenje za I polugodište 2012. godine	
	Iznos	Procent	Iznos	Procent
1	2	3	4	5
Direktni porezi	1.608.000,00	13,21%	737.532,46	12,93%
Indirektni porezi	4.560.000,00	37,46%	2.057.620,76	36,09%
Neporezni prihod	2.305.000,00	18,93%	1.137.564,36	19,95%
Tekući grantovi	782.000,00	6,42%	572.304,40	10,04%
Kapitalni grantovi i primici	1.035.000,00	8,50%	257.040,30	4,51%
Prenesena sredstva	1.884.000,00	15,48%	939.784,49	16,48%
SVEGA PRIHODI I PRIMICI	12.174.000,00	100,00%	5.701.846,77	100,00%

Struktura planiranih prihoda i primitaka za 2012. godinu i ostvarenje za I polugodište



Struktura ostvarenih prihoda i primitaka za I polugodište 2012. godine

* Rashodi budžeta se također ostvaruju u uobičajenoj dinamici. Tekući dio budžeta je ostvaren sa 44,66%, što je na nivou prethodnih godina i obezbjeđuje nesmetano funkcionisanje organa uprave i zadovoljenje opšt društvenih potreba. Obaveze Budžeta za dotacije za redovnu djelatnost, kao i grantovi za jednokratne pomoći svih budžetskih korisnika (socijalna izdvajanja) u potpunosti su izmirene, čime je obezbjeđeno njihovo nesmetano funkcionisanje, kao i aktivnosti pružanja pomoći korisnicima. Obezbjeđena su i sredstva za planirane aktivnosti nevladinog sektora.

* Kapitalni dio budžeta je također na uobičajenom nivou proteklih godina, sa ostvarenjem od 26,06%.

Pored dinamike realizacije, koja je uobičajeno osnovni uzrok umanjene realizacije tokom I polugodišta, nedostatak namjenskih grant sredstava i kašnjenje u procedurama dodjele sredstava viših nivoa vlasti predstavlja drugi osnovni uzrok umanjjenja. Doznaka sredstava viših nivoa vlasti u kapitalnom dijelu je i dalje neizvjesna.

* Organ Uprave je blagovremeno preduzeo sve aktivnosti na realizaciji planiranih projekata čije ostvarenje je već intenzivirano. Između ostalog, do kraja izvještajnog perioda su pokrenute aktivnosti na realizaciji većeg dijela planiranih projekata čime je izvršeno rezervisanje sredstava od **1.002.866,66 KM**. Pokrenute su aktivnosti na sklapanju 33 pojedinačna ugovora vezano za kapitalne projekte, od čega su već realizovana 22 ugovora.

ZAHVALNICE POVODOM 9. SEPTEMBRA

Povodom općinskog praznika 9. septembra - Dana oslobođenja općine Tešanj od fašizma, u Sali Općinskog vijeća Tešanj održana je svečana dodjela Zahvalnica Općinskog načelnika. Zahvalnice su dobili:

1. Za saradnju u mandatu 2008-2012 godina:

Esmir Subašić, predsjedavajući Općinskog vijeća
Suad Huskić, pomoćnik Općinskog načelnika

2. Za volontersku podršku Općinskom načelniku u mandatu 2008-2012 godina:

Izudin Ahmetlić
Izudin Turkeš
Alija Ogrić
Benjamin Preldžić
Husein Galijašević

3. Za podršku Općinskom načelniku u mandatu 2008-2012 godina:

Ismar Alagić

4. Za saradnju u mandatu 2008-2012 godina:

Izudin Alić, direktor JP RAD
Hilmo Perčo, direktor JP Agencija za razvoj TRA
Asim Bašalić, direktor JP Toplana
Esmir Bašić, direktor JU Biblioteka
Sabrija Kavazović, direktor JU Centra za socijalni rad
Zahida Binakaj, direktor JU Apoteka TEFARM
Rifat Sejdinović, direktor JU Opća bolnica
Amir Brka, direktor JU Centar za kulturu i obrazovanje
Enes Hundur, direktor JU Dom zdravlja
Ibro Omerbašić, direktor JU Sportsko-rekreacioni centar
Jasmin Mandžukić, direktor JU Muzej



5. Najveći donator lokalnoj zajednici tokom mandata 2008-2012 godina (medicinska oprema Općoj bolnici, finansiranje uređenja grada, podrška manifestacijama):

Firma MANN+HUMMEL BA.

Inače, 9. septembar Dan oslobođenja općine Tešanj od fašizma obilježava se kao općinski praznik - sjećanje na oslobođenje općine od okupatora 1944. godine i herojsku borbu naroda ovog kraja u Drugom svjetskom ratu i sve oslobodilačke težnje tokom historije općine Tešanj.



POSJETA FIRMI GLUCK NORM

Općinski načelnik Fuad Šišić sa saradnicima posjetio je i obišao firmu za proizvodnju PVC stolarije *Gluck Norm* u industrijskoj zoni Ciglana u Jelahu. Tokom razgovora sa vlasnicima firme Galijašević Muharemom i suprugom, Općinski načelnik je saznao osnovne informacije o firmi, trenutne aktivnosti, kao i planove za naredni period. Ovo je prva strana investicija u Tešanj nakon rata u oblasti proizvodnje plastične stolarije sa 12 uposlenih radnika. Firma posjeduje greenline certifikat, a orjentisani su uglavnom ka domaćem tržištu.



Ponosan sam da se sposobnost domaćih ljudi vidi i na primjeru ove firme, koja je počela da radi u vlasništvu stranog investitora, a danas su Galijaševići 100 % vlasnici. Nadam se da će i u narednom periodu firma Gluck Norm održati visok nivo kvaliteta u poslu koji se bavi, kazao je Općinski načelnik Fuad Šišić.

Detaljnije o ovoj firmi možete pogledati na: gluck-norm.com

VODOISTRAŽNI RADOVI NA IZVORIŠTU JELAH

U Kabinetu Načelnika potpisan je ugovor za izvođenje vodoistražnih radova s ciljem poboljšanja vodosnabdijevanja na području općine Tešanj. Ugovor su potpisali direktor JKP RAD Tešanj Izudin Alić i direktor firme *ES Hydrotechnics* Sarajevo Emin Gološ, u prisustvu Općinskog načelnika.

U narednih 45 dana će se pristupiti izvođenju istražnih radova u aluvijalnom dijelu rijeke Usore u blizini vodoizvorišta Jelah. Očekuje se da će se nakon provođenja definisanog programa radova, dobiti validne informacije o načinu obezbjeđanja dodatnih količina pitke vode za područje vodoizvorišta Jelah.

Vodosnabdijevanje je jedan od prioriteta lokalne uprave. Vjerujem da ćemo do kraja ovog mjeseca znati rezultate istraživanja i definisati naredne korake, kazao je Općinski načelnik Fuad Šišić.

Sredstva u iznosu od 47 000 KM za ovaj posao su osigurana u budžetu Općine Tešanj.



TOPLIFIKACIJA SREDNJIH ŠKOLA

Općinski načelnik Fuad Šišić i direktor JP *Toplana* Asim Bašalić, u društvu projektanta (firma *Termo*) i izvođača radova (firma *AB trans*) obišli su radove na izgradnji toplovoda - projekat toplifikacije srednjih škola u Tešnju.

Općina Tešanj nastavlja realizirati usvojene strateške ciljeve, a izgradnjom ovog toplovoda bit će omogućeno, osim srednjim školama, i ostalim građanima na tom području priključak na toplotnu energiju, kazao je Općinski načelnik Fuad Šišić. Završetak radova se očekuje do početka grejne sezone.

PROMOCIJA LOKACIJSKIH PREDNOST MIKROREGIJE TEŠANJ, TESLIĆ I ŽEPČE

U Kabinetu Načelnika općine Tešanj, uz prisustvo predstavnika GIZ-a (Njemačko društvo za tehničku pomoć i međunarodnu saradnju) u ponedjeljak, 17. septembra potpisan je Sporazum o realizaciji projekta *Promocija lokacijskih prednosti mikroregije Tešanj, Teslić i Žepče*. Sporazum su potpisali načelnici Savo Kasapović (Teslić), Mato Zovko (Žepče) i Fuad Šišić (Tešanj). Projekat je usmjeren na dva područja - promocija lokacijskih prednosti i privlačenje investicija sa ciljem unapređenja konkurentnosti mikroregije. *S obzirom na našu povezanost i projekte od ranije, veoma sam zadovoljan potpisanim Sporazumom, jer na ovaj način ćemo još više unaprijediti našu saradnju, kazao je Načelnik opštine Teslić.*




Cilj nas načelnika je da usmjerimo svu snagu i na taj način osiguramo što bolje uvjete za naše općine, a ovaj Sporazum ide tome u prilog, kazao je Načelnik općine Žepče.



Vjerujem da će ovaj Sporazum omogućiti zajedničku sinergiju i olakšati investitorima koji žele ulagati na području naših općina, istakao je Općinski načelnik Fuad Šišić.

Inače, promocija rezultata je predviđena za drugu polovinu novembra u Sarajevu.

RASKRSNICA JELAH

Općinski načelnik je potpisao Ugovor u vezi sa rekonstrukcijom raskrsnice Jelah zajedno sa direktorima Kantonalne direkcije i Cesta Federacije BiH sa izvođačem radova *HAJDIĆ*, d.o.o. Maglaj. Javnu nabavku je provela Kantonalna direkcija cesta. Ovim ugovorom su planirani građevinski radovi u iznosu od 213.049,79 KM, a rok za izvođenje radova je 90 dana.





Zahvaljujemo Bogu,
i vašoj podršci, dragi sugrađani!



OPĆINA TEŠANJ
Uprava sa visokim performansama

ZNANJE



VRLINE



VJEŠTINE



edukacija, kreativnost, poštenje, trening, stalna poboljšanja


Menadžment Sistem Općine Tešanj





**javni konkurs
za najbolje
poslovne
ideje za mlade**

**Tvoja IDEJA!
Tvoj BIZNIS!
PRIJAVI SE!**




Detaljne informacije na: telefon 032/650-022
e-mail: mirnes.dedukic@opcina-tesanj.ba
www.opcina-tesanj.ba,
Javni poziv je otvoren od 02. aprila, a prijem aplikacija od 15. maja do 29. juna 2012. godine.



RJEŠAVANJE OTPADNIH VODA: ODVODNJA I PREČIŠĆAVANJE









Zahvaljujemo Bogu, i vašoj podršci, dragi sugrađani!





Zahvaljujemo Bogu, i vašoj podršci, dragi sugrađani!



Eko-parkovi, uređenje grada, najljepša dvorišta, projekti po mz-a...



Osnovan tešanjski MUZEJ

Primjer dobre prakse



Nikada nemojte podcjenjivati mogućnost da se promijenite!



Zahvaljujemo Bogu, i vašoj podršci, dragi sugrađani!

OPĆINSKO RUKOVODSTVO



FERID MUSTAFIĆ
PRK/PRO



FUAD ŠIŠIĆ
OPĆINSKI NAČELNIK



Doc. dr. ISMAR ALAGIĆ
SAVJETNIK ZA PRISTUP
EU FONDOVIMA



NEDŽADA AGIĆ
OPĆINSKI PRAVOBRANILAC



SUAD HUSKIĆ
DRUŠTVENE DJELATNOSTI,
KOMUNALNI POSLOVI I EKOLOGIJA



HAMZALIJA HOJKURIĆ
FINANSIJE I EKOLOGIJA



NERMINKA HANDŽIĆ
BORAČKO-INVALIDSKA
ZAŠTITA



NADIR MEDARIĆ
KATASTAR, URBANIZAM
IMOVINSKI-PRAVNI POSLOVI



MENSUR SALETOVIĆ
CIVILNA ZAŠTITA

**SAVJETNICI
VOLONTERI**



IZUDIN AHMETLIĆ
SAVJETNIK
ZA EKONOMIJU



HUSEIN GALIJAŠEVIĆ
SAVJETNIK
ZA STRATEŠKI RAZVOJ



IZUDIN TURKEŠ
SAVJETNIK
ZA SAOBRAĆAJ



ALIJA OGRIĆ
SAVJETNIK
ZA BEZBJEDNOST



BENJAMIN PRELŽIĆ
SAVJETNIK
ZA BORAČKA PITANJA

OPĆINSKO VIJEĆE



ESMIR SUBAŠIĆ
PREDSJEDAVAJUĆI
OPĆINSKOG VIJEĆA



UGOVORI ZA NAJBOLJE POSLOVNE IDEJE MLADIH

U Kabinetu Načelnika su potpisana četiri ugovora za *Najbolje poslovne ideje mladih*, koje su nakon provedene procedure javnog poziva ocijenjene uspješnim. Ugovore su potpisali Općinski načelnik Fuad Šišić i mladi sa najuspješnijim poslovnim planovima - Ermin Šehić, Edis Subašić, Kasim roša i Edina Kosovčić-Mehmedović. Potpisivanju Ugovora je prisustvovao i predsjednik Komisije koja je ocjenjivala Biznis planove Smajl Ramović, kao i predstavnici Općine Tešanj koji su radili na obradi rezultata i pripremi ugovora Azra Muslija i Mirnes Dedukić.



Ovo je druga godina da općina Tešanj na ovakav način stimulira mlade ljude, što je dobar primjer i poticaj ostalim mladim ljudima da uzmu učešće naredne godine i ostvare svoj san uz veliko iskustvo koje imaju naši privrednici i podršku općine tešanj, kazao je Općinski načelnik Fuad Šišić.

Na raspisani Javni poziv ukupno je pristiglo 10 prijava, a Komisija je šest biznis planova ocijenila uspješnim.

III ETNO FESTIVAL TEŠANJ

Na Starom gradu (Gradini) u Tešnju održan je *III Etno festival Tešanj 2012*. Na Etno festivalu u Tešnju izlagalo je 32 izlagača iz cijele BiH.

Etno festival se organizuje u okviru projekta *Kultura poslije sutra* koji realizuje UG *Sehara*, u partnerstvu sa JU *Muzej Tešanj* i Agencijom za razvoj općine Tešanj *TRA*, uz podršku Općine Tešanj, Turističke zajednice ZDK i Ministarstva za obrazovanje, nauku, kulturu i sport ZDK.

U ime Općinskog načelnika izlagačima i prisutnim posjetiocima, prigodnim govorom se obratila pomoćnik Načelnika Službe za društvene djelatnosti Azra Muslija i proglasila III Etno festival otvorenim.

Podrška razvoju kulturnog turizma, Doprinos očuvanju i valorizaciji starih i tradicionalnih zanata i rukotvorina, Doprinos u oblikovanju kulturno turističkih resursa na području općine Tešanj, Unapređenje atraktivnosti specifičnih turističkih destinacija kulturnog karaktera na području općine Tešanj, Prilagođavanje turističke ponude općine Tešanj savremenim tržišnim trendovima u sektoru kulturnog turizma i Jačanje međukulturalnog dijaloga i saradnje u svim sferama života i rada svih građana/ki općine Tešanj i šire regije - ciljevi su ovogodišnjeg Etno festivala.



KOMUNIKACIJSKA STRATEGIJA

Nakon četiri mjeseca rada na izradi Strategije komuniciranja Općine Tešanj 2012-2015, rukovodni tim Općine usvojio je radni tekst ovog dokumenta koji se upućuje u javnu raspravu. Strategiju je izradila Media Content Management, Sarajevo.

Općina Tešanj poziva sve zainteresovane da dostave primjedbe, prijedloge i sugestije koje ćemo rado razmotriti.

Strategiju pogledajte na: www.opcina-tesanj.ba



Općina Tešanj: Sistem kvaliteta u državnim institucijama - Jasna vizija razvoja zajednice

Općina Tešanj je 2003. godine krenula sa aktivnostima na Uvođenju sistema kvaliteta i certificiranju po zahtjevima ISO 9001:2000, a certificirana u januaru 2004. godine. Tokom ovog perioda redovno su vršeni interni i externi auditi, a dolaskom Općinskog načelnika Fuada Šišića na dužnost, urađena je situaciona analiza, te se aktivnije krenulo sa uvođenjem poboljšanja. Rezultat toga je i uvođenje ekološkog standarda ISO 14001-2008, čime smo postali prva općina u BiH sa ovim certifikatom. a što je i u skladu sa vizijom:

Tešanj sredina ekološke svijesti, čistoće i reda. Uslijedila je:

- edukacija svih uposlenika,
- rad sa quality timom,
- ispunjavanje svih potrebnih zahtjeva...

NAŠA KUĆA




Da bi se sistem kvaliteta što uspješnije provodio, u našoj Općini svi moraju biti uključeni:

1. OPĆINSKO RUKOVODSTVO mora imati viziju, strategiju, jasne ciljeve i prioritete
2. UPOSLENI trebaju osigurati punu uključenost, zainteresovanost i motiviranost,
3. PARTNERSTVO angažovati ljude iz okruženja koji imaju znanje i spremnost da pomognu.

Menadžment tim Općine, na čelu sa Općinskim načelnikom i Predstavnikom rukovodstva za kvalitet i okoliš svake godine definiše jasne ciljeve koje treba ispuniti tokom kalendarske godine, a sve iz postojećih usvojenih strategija (Strategija razvoja, Ekološka strategija, Strategija za podršku mladima i Strategija za rad sa NVO).

Novom organizacijom sistematizovano je i radno mjesto Predstavnik rukovodstva za kvalitet i okoliš. Gospodin Ferid Mustafić je dolaskom na ovu funkciju uveo značajne promjene kad je sistem kvaliteta u pitanju. Između ostalog, napravio je i INTRANET PORTAL, koji je dostupan na općinskoj mreži svim uposlenicima. Na intranet portalu se nalaze svi dokumenti koji imaju veze sa sistemom kvaliteta.



Kako funkcionira sistem kvaliteta u Općini Tešanj Općinski načelnik Fuad Šišić je imao priliku prezentirati i na 6. konferenciji kvaliteta, nakon čega su pristigle brojne čestitke, među kojima i organizatora skupa Seada Jahića, Lead Auditora (IDEA-Co) u kojoj stoji:

Poštovani g-dine Načelnice,
kao čovjek sam oduševljen Vašom prezentacijom sistema upravljanja kvalitetom koja je snažno djelovala na sve učesnike konferencije.

Kao Auditor, mogu reći da je to bila najefektivnija prezentacija rukovodnog procesa koju sam ikada saslušao.

Kao bosanac sam sretan što je ova prezentacija ponovo probudila nadu da još uvijek postoje ostrva kvaliteta u moru prevara i lažnih vrijednosti.

Nadajmo se da ćemo ih još otkriti.

S poštovanjem,

Lead Auditor, Sead Jahić

Svoju budućnost općina temelji na „3 E“ modelu:

1. EKOLOGIJA (sredina ekološke svijesti),
2. EKONOMIJA (sredina izrazite poduzetnosti)
3. E-UPRAVA (elektronska uprava visokih performansi).

Sigurno kao jedan od lidera u BiH, Općina Tešanj će svoja iskustva prenositi i dalje svima koji su za njih zainteresovani.

Tekst objavljen u Poslovnim novinama

POLOŽENO CVIJEĆE NA SPOMEN OBILJEŽJIMA U TEŠNJU I TEŠANJCI

Povodom općinskog praznika 9. septembra - Dana oslobođenja općine Tešanj od fašizma položeno je cvijeće na spomen obilježjima u Tešnju i Tešanjci i to: na bistu narodnog heroja Huse Hodžića, Centralnom spomen obilježju šehidima i poginulim borcima 1992-1995. godina, Partizanskom groblju u Tešnju, kao i na spomen obilježjima na Tešanjci.

Inače, prema odluci Općinskog vijeća Tešanj 9. septembar Dan oslobođenja općine Tešanj od fašizma obilježava se kao općinski praznik - sjećanje na oslobođenje općine od okupatora 1944. godine i herojsku borbu naroda ovog kraja u Drugom svjetskom ratu i sve oslobodilačke težnje tokom historije općine Tešanj.



6. SAJAM PČELARSTVA

U gradskom parku u Tešnju početkom septembra održan je 6. Sajam pčelarstva Tešanj 2012 koji je trajao dva dana. Organizator Sajma je bilo Udruženje građana Pčela iz Tešnja.

Prigodnim govorom prisutnim su se obratili predsjednik Udruženja Pčela Senad Ahmić i Općinski načelnik Fuad Šišić, koji je ujedno i otvorio Sajam, te kazao kako je ovaj Sajam jedan od zacrtanih ciljeva Ekološke strategije Općine Tešanj. Posjetioци mogu posjetiti Sajam danas i sutra (7. i 8. septembar) u gradskom parku u Tešnju.



DVIJE BRONZANE MEDALJE U TEŠANJ

Općinski načelnik Fuad Šišić i pomoćnik Općinskog načelnika Azra Muslija primili su predstavnike Kluba borilačkih sportova Borac iz Jelaha, na čelu sa trenerom Huseinom Alibalićem, koji su na nedavno održanom Svjetskom takmičenju u kik boks u Bratislavi osvojili dvije bronzane medalje. Harisa Mudrov i Hasan Huseinpašić su se našli među devet dobitnika medalja, koliko je ukupno stiglo u BiH sa ovog takmičenja.

Čast i zadovoljstvo mi je primiti ove sportiste, i u ime Općine Tešanj i u lično ime čestitati im na postignutom uspjehu. Nadam se da će Klub borilačkih sportova Borac, Jelaha nastaviti sa uspjesima i u narednom periodu, kazao je Općinski načelnik Fuad Šišić.

Inače, na Svjetskom takmičenju u kik boks u Bratislavi ukupno je učestvovalo 1 600 takmičara iz 52 zemlje.



PROJEKTI ČIŠĆENJA TERENA OD KASETNE MUNICIJIJE



Tokom avgusta, započete su aktivnosti na čišćenju terena od zaostale kasetne municije na području općine Tešanj. Naime, Općina Tešanj je u 2012. godini putem Službe civilne zaštite kod Humanitarne organizacije Norveška narodna pomoć, kandidovala četiri projekta na lokalitetu Vukovo, Trepče, Tešanjka i Tešanj u ukupnoj površini od 462.000 m². Radovi na tehničkom izviđanju i čišćenju su započeti i završeni na prvom zadatku u Vukovu čija projektna površina iznosi 64.000 m², a izvođač radova je HO Norveška narodna pomoć. Realizacija projekata će trajati četiri mjeseca u zavisnosti od vremenskih prilika. Kompletnu finansijsku podršku realizaciji sva četiri projekta obezbjedila je Vlada Kraljevine Norveške.

PREVENTIVNE MJERE ZAŠTITE OD POPLAVA

U skladu sa utvrđenim mjerama zaštite od poplava, tokom mjeseca jula i avgusta provedene su mjere čišćenje i uređenje korita Mekiškog potoka u dužini od 400 metara, rijeke Radušice u dužini od 500 metara i rijeke Tešanjke u dužini od 800 metara. U toku mjeseca septembra planirane su aktivnosti na čišćenju potoka u vodozaštitnoj zoni u Jelah polju u dužini od 350 metara, nakon čega predstoje aktivnosti čišćenje korita Trebačke rijeke u dužini od 300 metara. Ove aktivnosti se provode u skladu sa mjerama zaštite od poplava utvrđenih u Planu zaštite i spašavanja ljudi i materijalnih dobara općine Tešanj.



UTICAJ VISOKIH TEMPERATURA I SNABDJEVANJE VODOM UGROŽENIH PODRUČJA

Usljed loše hidrološke situacije i dugog sušnog perioda, tokom mjeseca avgusta je vršeno snabdijevanje pitkom vodom stanovništva u mjesnoj zajednici Trepče, a prema utvrđenom planu i količinama. Ova aktivnost je nastavljena i tokom septembra, kao i dostava pitke vode za područne škole u Džemilić Planjama, Raduši i Dobropolju. Dostavu vode provode pripadnici Profesionalne vatrogasne jedinice sa cisternom.



Pored loše hidrološke situacije, visoke temperature i neznatne količine padavina tokom mjeseca jula i avgusta, prouzrokovale su značajne štete na poljoprivrednim usjevima na području općine, a pored njih prouzrokovane su i veće materijalne štete na objektima usljed pucanja istih.





Vizija

Tešanj – sredina ekološke svijesti, čistoće i reda



POVJERENJE – Ono što kažemo to i radimo
IZVRSNOST – Težimo uvijek raditi najbolje